

# Beogradske Novine

Broj 7. BEOGRAD, nedjelja 16. januara 1916.

GODIŠTE II.

UREDNIŠTVO i UPRAVA: BEOGRAD, ČUBRINA ULICA 3.,  
TISKARA: ULICA VUKA KARADŽIĆA br. 26.

SVI SE DOPISI ŠALJU NA ADRESU:  
„BEOGRADSKÉ NOVINE“, ETAPNA POŠTA 131.

## Poslije Lovćena — Cetinje.

**Izmjena brzobjavnih pozdrava između cara Wilhelma, kralja Saksonske i našeg cara i kralja, povodom zauzeća Lovćena.**

Njegovo carsko i kraljevsko Veličanstvo primilo je pod 11. ov. mjeseca slijedeće brzobjave od Njegovog Veličanstva njemačkog cara, i od kralja Saksonske:

Iz sveg srca Ti čestitam na zauzeću Lovćena, što Tvoje hrabre čete izvršile su divljenjem dostojnim požrtvovanjem. Bog je pomogao i on će i u buduće biti sa nama.

Wilhelm

Sa radošću sam danas pročitao izvještaj o zauzeću Lovćena i srdačno Ti čestitam na ovom divljenju dostojnom djelu Tvoje vojske.

Friedrich August

Tim povodom je 12. ov. mjeseca poslan slijedeći brzobjavni odgovor Njegovog Veličanstva caru Njemačke i kralju Pruske:

Obradovan Tvojim priznanjem i radošću povodom najnovijeg uspjeha mojih hrabrih četa, kojima je uspjelo osvojiti Lovćen, molim Te da primiš moju najiskreniju blagodarnost za Tvoju savezničku čestitku. Božija pomoć dovesti će nas dobrom kraju u zajedničkoj borbi.

Nasrdačniji Franjo Josip

Njegovom Veličanstvu Friedrichu Augustu, kralju Saksonske.

Najsrdačnije Ti hvala na Tvojim toplim čestitkama, povodom najnovijih uspjeha, koje baš sada izvojevaše moje hrabre čete u Crnoj Gori. Bog je sa nama.

Franjo Josip

### Zauzeće Cetinja.

Cetinje osvojeno.

K. B. Beč, 14. januara.

Prijestoljnica Crne Gore u našim je rukama. Goneći potučenog neprijatelja naše su čete juče po podne ušle u Cetinje, prijestolnicu crnogorskog kralja. Grad je nepovrijeđen, stanovništvo je mirno.

Zamjenik glavar generalnog stožera podmaršal pl. Hüfer.

Pad Cetinja prirodna je posljedica naše pobjede na Lovćenu. Jedva pol dana hoda od tog nadmašujućeg visa udaljen, nije se moglo ni pomišljati na odbranu crnogorske prijestoljnice. Sad mora i krunisani bard Crne Gore spremiti svoj prtljag, pa, kao što je prije dva mjeseca njegov saveznik Petar, potražiti spas bijegom.

### Utisak u Beču.

K. B. Beč, 14. januara.

Zauzeće Cetinja, i ako je ono očekivano, izazvalo je ondje opštu radost. Sva državna nadležstva i mnoge privatne kuće ukrašene su zastavama.

### Utisak u Berlinu.

Zauzeće Cetinja od strane austro-ugarskih četa izazvalo je ovdje veliku radost. Listovj su izdali vanredna Izdanja.

„Norddeutsche Allgemeine Zeitung“ veli: To što su austro-ugarske čete izvršile pod najtežim okolnostima, spada u najveličanstvenije djelo ovog rata nad ratovima. Za vrijeme dok carske i kraljevske čete na talijanskoj granici i u Volhiniji daju nepokolebljivi otpor moćnim napadima, vojska Austro-Ugarske prodire i kroz „nepobjednu“ Crnu Goru, i ovom stubu četvornog sporazuma priprema krajnji slom.

„Lokalan Zeiger“ ističe: Pored velikog, do sada još dosta neocijenjenog uspjeha zauzećem Lovćena i Cetinja, postignut je i veliki politički uspjeh, jer je Crna Gora bila istaknuti pion ruske panslavenske politike na Balkanu. Borba između Austro-Ugarske i Rusije za preoblast na Balkanu, riješena je sada u korist Austro-Ugarske. Time su centralne sile postigle jedan od svojih najvažnijih ratnih ciljeva. „Vossische Zeitung“ izjavljuje: Nikita žnje sada gorak plod svoga povjerenja u moć Rusije i njenih saveznika. Njega sustiže i kazna njegove sopstvene podmukle politike, koja je u isti man i politika Petrograda, Beograda i Rima.

### Utisak u Carigradu.

K. B. Carigrad, 14. januara.

„Ikdam“ pozdravlja sa iskrenom radošću zauzeće Lovćena, i ističe besprimernu srećnost austro-ugarskih četa, koje su uspjele na tako neprohodnom zemljištu, kao što je Crna Gora, da postignu takve uspjehe, i

oa potpuno unište sve nade sila četvornog sporazuma, koje su ove sile polagale u rat na crnogorskom zemljištu.

### Odlikovanja povodom zauzeća Lovćena.

K. B. Beč, 14. januara.

Njegovo je Veličanstvo car i kralj naredio, da se u znak odlikovanja sa izvršenje teškog zadatka izrazi najviše priznanje generalu pješadije von Kövess-u, zapovjedajućem generalu Sarajeva pl. Sarkotić-u i zbornom zapovjedniku Trollmannu. Zatim je Njegovo Veličanstvo odlikovalo divizionog zapovjednika pl. Webera, i kontraadmirala Mansa, vojnim redom za zasluge II. razreda sa ratnom dekoracijom. Grupnog zapovjednika podmaršala pl. Sertić-a i pukovnika Karla Günste, šefa generalštaba, jednog vojnog zbora redom željezne krune II. razreda sa ratnom dekoracijom.

### Dolazak crnogorskog princa Danila u Rim. — Važni prijemi.

K. B. Rim, 13. januara.

Crnogorski je kraljević Danilo zajedno sa suprugom prispeo danas u Quirinal. Sa princom su dugo razgovarali kraljica Jelena, a poslije i kralj, koji je od posljednjeg bavljenja prinčeva u Rimu bio prema njemu neraspoložen; tako isto je razgovarao dugo s princom vojvoda od Avsta, glavni zapovjednik vojske na Soči.

Kralj je primio ministra Corsi-a i poslanika Titonia, s kojima se dugo razgovarao.

Sonino je primio srpskog poslanika M. Ristića, koji je, kako se veli, imao da preda važna saopštenja svoje vlade.

### Italija i zauzeće Lovćena.

Kada Italija još nije ni bila stupila u rat, u talijanskim se irendentističkim krugovima, u talijanskom parlamentu, a naročito u talijanskoj štampi, raspravljalo o Lovćenu, kao o vrlo važnom pitanju. Talijani su isticali, da njihova balkanska politika ima vrlo važan oslonac u tome, što su značajne pozicije na Lovćenu u rukama Italiji prijateljski naklonjene Crne Gore. Kada je s vremena na vrijeme, naročito u balkanskom ratu, isticana mogućnost, da saveznik sjeverno od Alpa kupi Lovćen ili da ga uzme pod najam, u talijanskoj se štampi uvijek podizala divljačka vika protiv povrjede životnih interesa Italije.

Kao udar za Italiju dolazi sada zauzeće Lovćena od strane austro-ugarskih četa. Kao najvažniji je cilj za stupanje Italije u rat isticano, da Italija mora izvoje-

vati za sebe potpuno gospodarstvo na Jadranskom Moru. A Italija ne samo da nije do sada ništa učinila za ostvarenje tog svoga cilja, nego postepeno sve gubi poziciju za pozicijom. Za vrijeme je ovoga rata carska i kraljevska flota dokazala toliko puta, da je ona nadmoćnija nad mnogobrojnijom talijanskom flotom, i da su Talijani potpuno nemoćni sa svojim ratnim brodovljem. K udarcu, što ga je dobila od svog prijatelja od jučer, dolazi još jedan udarac prijatelja od danas. Kako brzojavno javljaju jedno je francusko odjelenje posjelo ostrvo Krf.

Kao što je poznato, ugovorom od 1864 godine, označeno je ostrvo Krf i jonsko ostrvlje, kao strogo neutralno zemljište Grčka zato nije smjela da utvrđuje ova ostrva. Sada su pak Francuzi posjeli Krf. Mi ne vjerujemo, da je ovo posjedanje Francuska izvršila u sporazumu sa Italijom, i zato je francuska vlada i pohitala već, da izvjesti grčku vladu jednom notom, stavljajući joj na znanje, da se ostrvo Krf posjeda, da bi se tu mogli oporaviti ostaci srpske vojske.

## Raspoloženje u Italiji.

Šta pričaju ranjeni talijanski vojnici.

U „Kölnische Volkszeitung“ piše jedan Talijan, koji je posljednjih praznika bio u Italiji, da se u Italiji nigdje ne primjećuje oduševljenje za produženje rata, a da su naročito razočarani i ogorčeni ranjeni talijanski vojnici, koji se sa bojišta vraćaju svojim kućama. Talijanski vojnici otvoreno zahtjevaju, da se zaključi mir, i oni kažu: naše novine ne javljaju ništa, one samo lažu.

Jedan je ranjeni talijanski vojnik rekao, „Naše se vrhovno zapovjedništvo prevarilo u teškoćama terena i u otpornoj snazi neprijatelja. Onaj, koji je od prvih borba bio u bojnoj liniji lahko će moći potvrditi, da je nemoguće napredovati. Tko se usudi, da krene napred, slušajući naredbe časnika, pada kao žrtva austrijskih granata. Najsrećniji su oni, koji su ranjeni i automobilima prevezu na previjalište. Ali desi se, da ranjenici često na previjalištu po nekoliko dana u groznici leže, jer nema tko da ih previje. Ako napuštimo kakav položaj teško nama. Naši časnici su vrlo nemilostivi, i ubijaju sve, koji bi pokušali da odstupe. Ali kad svi vojnici udruženo krenu nazad, časnici su nemoćni. Onda obično časnici budu izvedeni pred sud. Naša borba već odavna ne predstavlja nikakvu ofenzivu. Noću krenemo koji korak napred, ali ujutro moramo opet, da se vratimo na naše stare položaje. Položaj je sasvim beznadan. O nekoj našoj pobjedi ne može biti ni riječi. Pomorska momčad priča, da je talijanska flota pretrpila mnogo više štete, nego što je zvanično javljeno. Svaki pametni Talijan uvigđa, da nastavljanje rata znači u stvari samo besciljno prolivanje talijanske krvi za ljubav Engleske.

Jedan neutralac, koji je nedavno došao iz Italije u Njemačku priča, da se između Firenze i Bologne putnički voz u kome se on vozio ukrstio sa jednim dugačkim vojničkim vozom. Oba voza stajala su u stanici više od četvrt sata. Vojni je voz bio prepun teže i lakše ranjenih vojnika. Za sve vrijeme dok je voz stajao u stanici vojnici su pjevali „La pace“ (Mir), i nitko ih u tome nije sprječavao.

## Vojni generalni gubernator grof Salis-Seewis — tajni savjetnik Njegovog Veličanstva.

K. B. Beč, 14. januara.

„Streffleurs Militärblatt“ javlja, da je Njegov Veličanstvo car i kralj podijelilo vojnom generalnom gubernatoru Srbije, podmaršalu grofu Salis-Seewisu čast pravog tajnog savjetnika.

\* \* \*

Podmaršal Ivan grof Salis-Seewis vodi porijeklo od jedne poznate švicarske porodice. Rogjen je 8. decembra 1862. godine u Karlovcu u Hrvatskoj, i sada je dakle u 53. godini. Do sada je poglavito poznat svojim radom na reformaciji u Makedoniji, gdje je radio kao zastupnik Austro-Ugarske.

Vojničku je naobrazbu dobio u tehničkoj vojnoj akademiji, iz koje je izašao kao poručnik ženijskih četa. Poslije je svršio ratnu školu i unapregjen je u kapetanski čin u generalnom stožeru. Kao nastavnik je taktike bio neko vrijeme zauzet u požunjskoj pješačkoj kadetskoj školi, od koje je poslije prešao na rad u pješadiju. Pošto je neko vrijeme bio šef generalnog stožera 28. pješačke divizije, unapregjen je za majora, 1903. godine postao je podpukovnik i tada mu je, kao što je već pomenuto, data titula „Adjoint militaire d' Autriche-Hongrie“, pri međunarodnoj reformnoj komisiji u Makedoniji, kao zastupniku Austro-Ugarske.

Po mürzštégskom programu, kao što je poznato, u tada još turskoj Makedoniji, bilo je povjerenje Turskoj, da izvede namjeravane reforme, ali pod kontrolom izaslatih časnika velikih sila. Najvažniji je zadatak ove reformne akcije bilo stvaranje oružništva i grof Ivan Salis Seewis, stvorio je u tada još potpuno divljim krajevima, vrlo mnogo u tom pogledu. Svoje sjedište je tada imao u Skoplju. Njegov je rad bio upravljen na stvaranje i uređenje policijskih okružja u Makedoniji, i zatim na stvaranju škole za zapovjednike oružničkih postaja. On je organizovao ove škole i sastavio naukovne osnove za ove škole, koje su morale sasvim da budu podesne prema prilikama, koje su tada tamo vladale. Ova je ustanova bila prva vojnička škola ove vrste u Turskoj, kojoj su vojne ustanove učinile sve moguće olakšice, i njihova je organizacija bila u toliko bila uzorna, da je ostalim vojnim misijama, a naročito talijanskoj, služila za ugled.

Grof Salis Seewis imao je pod svojim zapovjedništvom jedanaest časnika austro-ugarske vojske, koji su stupili u tursku vojsku, kao i švedskog kapetana i turskog potpukovnika Indver Nandrupa. Da bi održao drugarsko raspoloženje sa misijama ostalih velikih sila, sa turskim časnicima, vlastima i velikodostojnicima bila je gostoljubiva kuća grofa Salis-Seewis-a uvijek otvorena. Primanja, koja je u svojoj kući činio grof Salis-Seewis, pripomogli su reformnim planovima isto koliko i njegov energičan rad u zvaničnim poslovima. Godine 1906. unapregjen je grof Salis-Seewis u pukovnički čin i vratio se u monarhiju. Njegov je odlazak iz Makedonije izazvao kod njegovih podčinjenih, kod njegovih suradnika i kod turskih vlasti iskreno žaljenje. Od cara i kralja odlikovan je odličjem željezne krune, od Sultana osmanijskim odličjem II. razreda u znak priznanja za velike zasluge na njegovom radu u Makedoniji.

Prvo je postavljen za pukovnika pješadijske pukovnije broj 86. u Budimpešti, a kratko vrijeme zatim je premješten u pješačku pukovniju broj 79., grofa Jelačića na Rijeci, gdje je zatim postao generalmajor i brigadir.

Kad je izbio rat zapovijedao je on jednom brigadom i odlikovao se u borbama protiv Srbije. Tim povodom je unapregjen za podmaršala, i dobio je više odličja. Pošto je general pješadije pl. Sarkotić postavljen za zemaljskog poglavicu Bosne i Hercegovine, preuzeo je on zapovjedništvo nad 42. domobraskom hrvatskom pješačkom divizijom, a u posljednje je vrijeme bio vojnički zapovjednik grada Beča.

## Dnevne vijesti.

Beograd — danas.

Preuzvišeni gospodin generalni gubernator podmaršal grof Salis, i ako je u današnjim trenucima zauzet i suviše mnogim važnim državnim poslovima, ipak dopijeva, da prije i poslije podne pregje ulicama Beograda i lično se osvjeđoči o društvenom životu, o redu i poredku u njenu. Vidjeli smo ovih dana, kako sam prolazi glavnijim ulicama, posmatrajući sve pažljivo. Mnogi gragjani, razumije se, nijesu ga poznali; ali ih je bilo dosta, koji su ga poznali i pozdravljali. Svima ovima je Preuzvišeni gospodin gubernator odgovorio ljubazno i jasno: do bar dan. Bez ponosna, i ljubazna pojava Preuzvišeni gospodin pribaviti će mu vrlo brzo simpatije svega beogradskog stanovništva.

\* \* \*

Beograd se postepeno puni i svojom inteligencijom, to tvrde imena onih uglednih gragjana, o kojim smo u prošlim brojevima javili, da su se vratili svojim domovima. Jedna o tih uglednih ličnosti izrazila se u razgovoru između ostalog ovako: „Pravo da vam kažem, mene je ovakav rediporedak u Beogradu iznenadio, a više svega, prijatno ponašanje austro-ugarskih vojnika i njihovih vlasti. U svakom pogledu život je ovdje mnogo prijatniji, nego li ma u kom mjestu u unutrašnjosti. Jeste istina, život je u Beogradu dosta skup, ali je tako i na drugim stranama — svuda se svijet žali na skupoću. Mogu reći, da sam, s pogledom na današnje prilike, zadovoljan životom u Beogradu.“

## Povratak u Beograd.

Posljednjih dana vratili su se u Beograd između ostalih Vlada Spasojevići Josif Predić, profesor, M. Posniković, advokat. Saznajemo, da će ovih dana doputovati u Beograd gosp. Živojin Perić, profesor univerziteta, Mika Avramović, predsjednik saveza zemljoradničkih zadruga i Todor Mraović, trgovac beogradski.

## Odlikovanje ratnih invalida.

Zvanično se objedanjuje: Vrhovno je vojno zapovjedništvo carsko i kraljevske vojske naredilo, da se svi ratni invalidi, koji još nijesu odlikovani, naknadno protokolarno saslušaju. Na temelju ovih protokola provesti će se izvidi, da invalidi, koji su pred neprijateljem izvršili potpuno svoju otadžbeničku dužnost, budu naknadno odlikovani. Svi se dakle ratni invalidi moraju kod svoje nadležne vojne oblasti prijaviti.

## Ljekarska vijest.

Gospođa-d-r Slavka Mihajlović započela je ordiniranjem, pa prima dnevno bolesnike u svom stanu ulica kralja Milana br. 37.

## Otvaranje radnja.

Carsko i kraljevski policajni komesarijat objavljuje:

Od pravoslavne nove godine, svi trgovci, sa propisanom koncesijom, mogu imati otvorene svoje radnje do 7 sati u več. Kavane, gostione, delikatesne trgovine i mesarnice imadu se kao i prije zatvarati u 8 sati u več. Restauracije „Hotel Balkan“ i „Grand Hotel“ mogu biti do 11 sati u več otvorene. Radnje se imadu u odregjeni sat tačno zatvarati, i oni, koji se naredbe ne budu držali, biti će policajno kažnjeni.

## Prodaja životnih namirnica.

U poslednje vrijeme poskupile su neke životne namirnice u Beogradu, naročito one, koje su donešene iz okolnih sela, jer su neki nesavjesni spekulanti još van varoši odkupljivali od seljaka namirnice i preprodavali ih poslije gragjanima po skupe pare. Da bi se ovoj nesavjesnoj

trgovini stalo na put, i da bi pučanstvo u Beogradu lakše moglo da dolazi do namirnica, zabranila je policija kupovanje životnih namirnica van varoši ili na ulicama, a seljanke smiju prodavati samo na pijacama. Ova naredba je odmah urodila željenim plodom, i posljednja dva dana na beogradskim pijacama se sve životne namirnice, koje se donose sa sela, mogu kupiti po znatno nižoj cijeni, nego do sada.

### Željeznički saobraćaj [Beograd—Niš.

Beogradsko carsko i kraljevsko željezničko stanično zapovjedništvo saopštava nam, da je isvršena promjena u rasporedu vožnje vozova, koji odlaze u unutrašnjost zemlje. Putnički se svijet može koristiti samo onim osobnim vozom, koji u 12 sati noću polazi za Stalać—Niš. Ostali vozovi služe samo vojničkim potrebama.

### Bugarski list u Skoplju.

Iz Sofije javljaju, da u Skoplju izlazi bugarski list „Rodina“. Urednik je lista Bojdarov.

### Vojvoda Putnik na Krfu.

Grčke novine javljaju, da je vojvoda Putnik stigao na ostrvo Krf, gdje je odsjeo u jednom hotelu. Na ostrvo će skorih dana stići i princ Aleksandar Karagjorgjević.

### Osobni liječnik Petra Karagjorgjevića.

U milanskom „Secolo“ opisuje vrlo lijepo dr. Simonović bijeg Petra Karagjorgjevića iz Prizrena u Solun. Dr. Simonović je bio osobni liječnik Petra Karagjorgjevića, pa je rodom iz Srijema. On je brat dr. Mladena Simonovića, advokata u Rumi.

### Put Petra Karagjorgjevića u francusko kupatilo.

Berlinski „Lokalanzeiger“ javlja iz Kopenhagena: Petar Karagjorgjević odputovati će iz Soluna u jedno francusko kupatilo radi liječenja. Prije toga održati će jedan parad nad ostancima srpskih trupa, koje se nalaze u Solunu i pregledati će utvrgjenja oko Soluna.

### „Tribuna“ u Solunu.

Srpski list „Tribuna“, koji je još u početku rata promijenio svoje mjesto izlaza iz Beograda u Niš, i koji je neko vrijeme poslije pada Niša obustavio svoje izlaza, počeo je prije nekoliko dana opet da izlazi u Solunu.

### Kolera u Srijemu.

Prema službenom izvještaju hrvatsko-slavonske vlade bilo je prošle nedjelje u Zemunu 95, a u Mitrovici 34 slučaja kolere. Od toga je umrlo u Zemunu 91, a u Mitrovici 25 osoba, sve zarobljenici sa južnih bojišta.

### Srpski bjegunci u Marseille-u.

Na brodu je „Florin“ stiglo u Marseille 785 srpskih bjegunaca, među njima i bivši srpski vojni attache u Berlinu Pavlović.

## Balkanske vijesti.

### Ruska balkanska politika.

#### Rusija je izgubila prijatelje na Balkanu.

Petrogradske „Birževije Vjedomosti“ pišu, da je u bugjetskoj komisiji Dume živo kritikovana politika Sazonova. Naročito je kritikovan rad Sazonovljeve politike na Balkanu. Sazonov je učinio neke povjerljive izjave, ali članovi komisije nijesu bili zadovoljni sa izjavama Sazonova. „Birževija Vjedomosti“ vele tim povodom doslovce ovo: „Rusija nema više nijednog prijatelja na Balkanu, ona je izgubila sve prijatelje i ne može više računati, da će ih ikada imati.

### Ustanak Arbanasa.

Atenske novine javljaju, da u Arbaniji traju borbe između Arbanasa i srpskih i talijanskih četa. Srbi i Talijani imaju znatne gubitke. Arbanasi imaju brdske topove. Prošle je nedjelje prevezeno je u Italiju 1500 ranjenika iz tih bojeva.

## Političke vijesti.

### Opšta potištenost u Italiji.

Prema vijestima iz Lugana, vlada u Italiji opšta potištenost, koja se je povećala nakon neuspjeha na Dardanelima, osobito nakon pada Lovčena. Opšta je depresija velika, pa su vlasti morale bozvati vojsku, da vrše policainu službu. U samom ministarstvu vlada nesloga, jer Francuska i Engleska uporno traže, da Italija napusti borbu na Soči i svom svojom silom sudjeluje kod Solunske ekspedicije. D' Annunzio pravi već za tu ideju veliku propagandu.

### Učestvovanje Portugalske u svjetskom ratu.

„Telegraphen Union“ javlja iz Bukarešta: Po jednom rimskom bežičnom telegramu javlja „Idea Nazionale“ :

Kako se iz diplomatskih izvora čuje, ponovo su odpočeli pregovori između engleske i portugalske vlade u cijeli, da i Portugalska uzme učešća u svjetskom ratu. Do sada je Portugalska podpomagala sporazumne sile samo oružjem i municijom. Trupama je generala Bothe u Africi dala Portugalska dva miliona patrona i pušaka. Isto tako dobile su od Portugalske veliku količinu ratnog materijala engleske i belgijske i kolonijalne trupe, i engleske trupe u tvrgjavi Gibraltara. Sada se pregovori između Engleske i Portugalske već približuju svome završetku.

## Najnovije brzojavne vijesti.

### Talijanske klevete.

K. B. Beč, 14. januara.

Glavni stan ratne štampe javlja: „Korriere della Sera“ objavio jedno tvrgjenje, koje je u posljednje vrijeme našlo mjesta u mnogim listovima neutralnog inostranstva, da su časnici i vojnici austro-ugarske i njemačke vojske u Beogradu i u opšte u Srbiji izvršili velike pljačke, koja se tobož sad u Austro-Ugarskoj javno prodaje. Ova je niska kleveta potpuno bez ikakve osnove. U austro-ugarskoj i njemačkoj vojsci sa neumoljivom se strogošću vodi briga o tome, da se mirno stanovništvo i njihova imovina u neprijateljskoj zemlji sačuvaju od svakog nasilja. Ako se u pojedinim izuzetnim slučajima, a oni su za žaljenje — naročito u onim, gdje se stanovništvo prema trupama neprijateljski ponašalo, neizbježno došlo do osvjete, sa svim je isključeno, da su trupe takve povode, kojih je bio vrlo mali broj, iskoristili na što drugo, osim jedino, da rekviriraju samo one predmete, koji su im bili najpotrebniji. Tvrgjenje, da naše ili naših saveznika trupe udjlačkane stvari prodaju, i te još u javnom nadmetanju, sa svim glupa kleveta, dostojna, da se uvrsti u niz lažne ofekzive, koja se sa italijanske strane vodi, a koja je nedostojna jednog ratujućeg naroda.

### Borbe kod Dojrana.

Beč, 15. januara.

„Giornale d' Hali“ javlja: Prekjuče se u okolini Dojrana cio dan čula topovska vatra. Protiv englesko-francuskih četa stoje čete austro-ugarske, njemačke, bugarske i turske.

### Balkanski voz.

K. B. Berlin, 15. januara.

Jutros je odputovao prvi balkanski voz preko Dresdena—Beča—Beograda—Sofije za Carigrad. Mnogobrojni radoznali ispratili su polazak voza sa usklikima zadovoljstva, mahanjem šešira i marama.

\* \* \*

Danas u nedjelju u 6 sati i 15 minuta prije podne stiže prvi balkanski voz na beogradsku željezničku stanicu, a poslije zadržavanja od 20 minuta produži će put za Carigrad, gdje će prispjeti u ponedjeljak u 7 sati u večer.

### Most na Strumici bačen u vazduh.

K. B. Beč, 15. januara.

„Corriere della Sera“ doznaje iz Soluna, da su Francuzi i Englezi bacili u vazduh veliki gvozdeni most na Strumici, koji se nalazi na putu između Soluna i Seresa. Time je prekinuta željeznička veza Grčke sa Bugarskom i Turskom. I grčke čete, koje se nalaze u Seresu, Kavali i Drami odsječene su od Grčke.

### Rumujski trgovci za priključenje centralnim vlastima.

Bukarest, 14. januara.

Na sastanku rumunjskih trgovaca, koji je ovdje održan, istakli su svi govornici, da se Rumunjska nalazi pred neposrednom krizom u trgovini i u industriji, jer je rumunjska izvozna i uvozna politika potpuno neodregjena. Jednoglasno je primljena rezolucija, kojom se poziva vlada, da sa centralnim vlastima odmah uspostavi normalne odnose, da bi uz pomoć ovih sila mogla opet da oživi rumunjska uvozna i izvozna politika. Samo ako pogje sa centralnim vlastima moći će Rumunjska, da izbjegne finansijsku i ekonomsku krizu.

### Dnevna zapovjest rumunjskog kralja povodom nove godine.

K. B. Bukurest, 14. januara.

Povodom je nove godine uputio kralj dnevnu zapovjest vojsci, u kojoj ističe svoju blagodarnost vojnicima za ispunjenje dužnosti u prošloj godini. Kralj je rekao, da je u prošloj godini imalo vrlo mnogo da se radi, da bi se postigla potpuna spremnost za rat. Kraljeva dnevna zapovjest je završena riječima: Naši pogledi su sa povjerenjem i ljubavlju upravljani u vas.

### Neuspjeh Rusa na Kavkazu.

K. B. Carigrad, 14. januara.

Brzojavni izvještaj primljen sa persijske granice javlja o borbi između ruske i turske konjice koja je prodrila prema Miadkab-u. Rusi su potučeni, i pobjegli u pravcu Melek Gende Drugi jedan odred turske konjice, koji je poslat u pravcu Seldos-a, goni Ruse, koji bježe prema Urmiji.

### Borba u Perziji.

Carigrad, 13. januara.

Kako „Agence Milli“ doznaje, turske su trupe ušle u Kermanšah. Stanovništvo grada gočekalo ih je sa oduševljenjem. Grad je okičen zastavama. Iz okoline dolaze u velikom broju plemena, da pozdrave Turke.

### Prekid rusko-skandinavskog telegrafskog saobraćaja.

Kiel, 13. januara.

„Kieler Zeitung“ javljaju iz Stokholma: Ponova je prekinut ruski telegrafski saobraćaj sa Skandinavijom; zbog čega nema nikakvih vijesti iz Rusije.

## Mali oglasnik.

OPERATOR

**Dr. Slavka Mihajlović,**  
specialista za ženske bolesti,  
prima svakog gana od 2—4  
sati po podne. Stan Kralj Mi-  
lanova ul. br. 37.

**Soba sa dva kreveta  
se traži.**

Prijave u Kralja Milana ulici  
br. 17, u dućanu.

Prodajem  
**pirotski čilim,**

4 metara dugačak, 3 metara  
širok, potpuno nov i očuvan u  
lijepim šarama i boji. Cijena  
po pogodbi. Viditi se može u  
mom stanu Aleksa Angjel-  
kovića, Višegradska ulica 14.

**Gospodska kuharica  
traži namještenje**

A. F. Kosmajnska ul. br. 12.

**Pisaći astal,**

(Jerry Patent), i Registrator  
na prodaju, upitati kod ober-  
kelnera u Grand Hotelu.

**Čovjek koji govori**

i piše njemački kao i la-  
tinicom, sa ženom bez djece,  
želeo bi stupiti na kakvo  
mjesto, i to kao nastojnik, nad-  
zornik, portir i t. d.  
Peter Petrović, Veli-  
kog Miloša ul. br. 61.

Prvorazredni modni Salon  
**I. B. Božić.**

nalazi se privremeno u Ska-  
darskoj ul. br. 19 (Ilićeva kuća)  
prima na izradu sve vrste toile-  
ta, kostima, mantile, i t. d. Za  
odličnu se izradu garantuje,  
cijene solidne. U istoj kući  
se prodaje vrlo lijep persijski  
čilim.

Srpski, njemački, francuski i  
engleski jezik

**predaje**

dugogodišnja nastavnica. Pose-  
bni i opšti časovi. Zapišati  
usmeno ili pismeno od 2—3  
sata Dobračina ul. 3. ili knji-  
žara MITA STAIĆ, Knez Mi-  
hajlova 8.

**Kupujem lijepe**

persijske i pirotske čilime. —  
Adresa u upravi ovog lista.

**Remington pisaca**

mašina, dobro osnovana, traži  
se da se kupi. — Knez Mi-  
hajlova ulica 53.

**Uregjen stan,**

sastojeći se iz 2 sobe i svim  
priborom, po mogućnosti i banja,  
traži se pod najam. Adresa u  
upravi.

**Meda Lipovca,**

na centrifugu cijedenog, ima na  
prodaju u Resavskoj ul. br. 45.

Muš srednje doba, trgovački  
izobražen, vješt njemačkom  
jeziku u pismu i govoru

**traži mjesto.**

Adresa u uprav ovog lista.

**Kupuje se vino**

iz privatnog posjeda u svakoj  
količini. — Gostiona „Mali  
Vojnik“.

**Max Jos. Strahović,**

Profesor za njemački, fran-  
cuski, ruski i srpski jezik i li-  
teraturu. Drži posebne kurseve  
iz kouverzacije i trgovačke ko-  
respondencije. Kosmajnska ulica  
52. Varoš-Kapija. Beograd.

**Nestali.**

**Mojim prijateljima.**

Moja kći Mica Pavičević,  
stara 21 godinu, bila je pri-  
likom evakuacije u Požarevcu  
kao nastavnica ženske radničke  
škole.

Po mome saznanju vigjena  
je u Cupriji i Kraljevu.

Molim prijatelje da mi odmah  
jave, ako su je negdje videli.

Luka Pavičević, pod-  
predsednik beogradske opštine.

**Tražim,**

Moju ženu Persu Milanović,  
i djecu Dimitrija i Milana, koji  
su nestali septembra mjeseca,  
prilikom evakuacije Beograda.  
Svakoga pak molim, ko ma  
šta o njima zna, da mi javi.  
Unaprijed blagodaran sam.  
Dragutin Milanović,  
Pančičeva ulica br. 11. Beograd.

**Prva Hrvatska**

tvornica cigaretnog papira i tuljaka  
iz Zagreba

imade tvorničko skladište svojih proizvoda iz  
najboljeg materijala u Kralja Milana ul. 17.

Knjigovogiu sposobnog za biljancu  
traži odmah

TRGOVAČKA BANKA

dioničarsko društvo u Zemunu.

Oferti sa referencama i zahtjevom plaće neka se  
uprave na Trgovačku Banku u Zemunu.

**Joh. Backhausen i Sinovi**

tvornice sukna za pokućstvo, čilimova  
i gunjeva.

— Beč, .: Opernring 1. —

U RADNJI

**Russo i Kalmića**

Beograd, Vasina ulica 5.

— preko puta Narodnog Pozorišta —

ima na prodaju jedna velika količina

**obuća-cipela**

**muških i ženskih**

ROBA ODLIČNA,

cijena niska, — prodaja na jedan  
par i na više.

**DAMSKE ŠEŠIRE**

i bogati izbor ukrasa najjeftinije prodaje  
i prima opravke

Novi modni salon

**S. M. Lazarevića**

u vlastitoj kući, Kralja Milana 120 (u dvorištu).

**CARO I JELLINEK DR. S. O. JAMSTVOM**

Beč I., Deutschmeisterplatz 4.

rodužnice: Bodenbach, Budapest, Halbstadt i Trst  
preuzimaju prevoze sviju vrsti u bal-  
kanske države.

Upute badava.

**Berthold Goldstein**

BEOGRAD, Simina ulica 16

koji po naročitom odobrenju c. i kr. vlasti  
:: otvorio u Beogradu ::

**izvoznju i uvoznju trgovinu**

preporučuje za sada svoje usluge za uvoz

**životnih namirnica i kon-  
sumnih artikala.**

sviju vrsta. Docnije će početi rad i sa iz-  
vozom. Za sada treba brzojave i pisma  
upućivati na adresu

**Berthold Goldstein, Zemun**

**Tko traži**

namještenje, ili treba radne  
sile, najbolje je, da oglasi u  
„Beogradskim Novinama“.

Uprava: Čubra ulica br. 3.

Oglas za namjestaanje stoji **50** filira

Oglas za potražbu radne snage K **1**—

Petrolej

Benzin

Mašinski zejtin

Zejtin za jelo

Terpentin

Ricinov zejtin

liferuje prompt

**Ölfabrik M. Elfer G. m. b. H.**

Wien I., Krugerstrasse 3.

**Moja kemička čistiona i bojadisaona odi-  
jela, opet je za moje mušterije otvorena.**

**Anton Kellner**

Bojadisar i kemički čistilac.

— BEOGRAD, Zeleni venac br. 14. —

Tvornica: DUŠANOVAC, KRALJEVA UL. 16.

**Čestiti ljudi ili žene,**

koji žele prodavati novine,

**TRAŽE SE.**

Poblize u upravi ovog lista.

PAŽNJA!

PAŽNJA!

— Za sopstvenike mlinova —

**Tarjan und Comp.**

BUDAPEST V. Esáky u. 8.

ustanova za uregjenje mlinova i sva tehnička  
uregjenja,

liferuje sve vrste mašina za mlinove, kao i sve tehničke  
artikle za mlinove i tvornice najbolje vrste, po najnižoj  
cijenama. Kod pregradjivanja mlinova i preuregjenja daje  
i stručnjačke savete.

**SARDINE U ZEJTINU**

sviju sorta, haringe, južno voće, razne  
konzerve, tijesto za supu a la Maggi  
po 5 hellera, čaj i kafu prodaje po  
najpovoljnijim cijenama

**J. FREUND, PRAG**

Karolinenthal, Palackystrasse Nr. 1.

**Julius Meinl**

importna kuća čaja i kave.

Beč XVI. .: Budimpešta.